



An Bhruiséil, 14 Meitheamh 2019
(OR. en)

10340/19

FISC 291
ECOFIN 631

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Uimh. an doic. roimhe seo:	9653/19 FISC 275 ECOFIN 516
Ábhar:	Cód Iompair (Cánachas Gnó) – Conclúidí ón gComhairle (14 Meitheamh 2019)

Gheobhaidh na toscaireachtaí, san Iarscríbhinn a ghabhann leis seo, na conclúidí ón gComhairle maidir leis an gCód Iompair (Cánachas Gnó), a ghlac an Chomhairle ag cruinniú dá cuid a bhí ar siúl ar an 14 Meitheamh 2019.

**Conclúidí ón gComhairle maidir leis an dul chun cinn atá bainte amach
ag an Meitheal um Chód Iompair (Cánachas Gnó) le linn Uachtaránacht na Rómáine**

Maidir leis an gCód Iompair (Cánachas Gnó), agus maidir leis an gComhairle:

1. IS DÍOL SÁSAIMH DI an dul chun cinn a rinne an Mheitheal um an gCód Iompair le linn Uachtaránacht na Rómáine, mar a leagtar amach sa tuarascáil uaithi (9652/19 + ADD 1-10), go háirithe an t-athbhreithniú a rinneadh ar liosta an Aontais maidir le dlínsí neamhchomhoibríocha i Márta 2019;
2. IARRANN SÍ ar an Meitheal leanúint den obair i gcomhréir lena pacáiste oibre ilbhliantúil 2018 (10420/18);
3. IS DÍOL SÁSAIMH DI an t-athbhreithniú atá déanta ag an Meitheal ar shainorduithe a foghrúpaí agus FORMHUINÍONN SÍ atheagrú a dhéanamh orthu, mar a mholtar sa tuarascáil;
4. FORMHUINÍONN SÍ na measúnuithe ar na tréimhsí neamhghníomhaíochta agus an rollta siar, arna gcomhaontú ag an Meitheal agus IARRANN sí ar an Meitheal leanúint d'fhaireachán a dhéanamh ar thréimhsí neamhghníomhaíochta agus ar chur chun feidhme an rollta siar;
5. TUGANN SÍ DÁ hAIRE LE SÁSAMH tabhairt chun críche ailíniú chórais ticbhoscaí paitinní na mBallstát le cur chuige comhaontaithe an chumarpointe;
6. IS DÍOL SÁSAIMH DI faireachán leanúnach na Meithle ar chur chun feidhme na nótaí treorach a thug sí roimhe seo, lena léirítear tionchar an Chóid Iompair ar chleachtais na mBallstát;
7. IARRANN SÍ ar an Meitheal leanúint dá cuid oibre ar dhréacht-treoir a fhorbairt maidir le córais asbhainte úis bharúligh do na Ballstáit sin ar mhian leo córas den chineál sin a chur chun feidhme;
8. IS DÍOL SÁSAIMH DI go bhfuil a machnamh déanta ag an Meitheal ar staid na himeartha maidir le saincheistanna praghsála aistrithe, tar éis chonclúidí an 8 Nollaig 2015 agus an 6 Nollaig 2016 ón gComhairle, agus FORMHUINÍONN SÍ na conclúidí ar tháinig an Mheitheal orthu sa réimse sin;

9. IS DÍOL SÁSAIMH DI na hidirghabhálacha éifeachtúla a rinne Cathaoirleach na Meithle le dlínsí mar ullmhúchán do chinntí ábhartha ón Meitheal/gComhairle;
10. FORMHUINÍONN SÍ an dóigh ar réitigh an Mheitheal na saincheisteanna nós imeachta agus polaitiúla a tháinig chun cinn sa phróiseas faireacháin ar na gealltanais a thug dlínsí;
11. FORMHUINÍONN SÍ go háirithe an treoir theicniúil maidir le cistí comhinfheistíochta i gcomhthéacs chritéar 2.2;
12. CUIREANN SÍ I dTREIS nach nglacfar le haon mharthanú, moilleanna breise ná bearta comhchosúla i dtaca leis na dlínsí a thug isteach bearta díobhálacha in ionad na seanchóras fabhrach díobhálach a bhí acu;
13. IS DÍOL SÁSAIMH DI foilsiú thorthaí na nósanna imeachta maidir leis na bearta uile a scrúdaíodh faoi chritéir 2.1 agus 2.2 um liostú de chuid an Aontais, ar fhorhluigh an Chomhairle an rolladh siar ina leith, mar aon le hiarrachtaí níos leithne na Meithle infheictheacht agus trédhearcacht próiseas liostaithe an Aontais a mhéadú;
14. MOLANN SÍ don Mheitheal comhleanúnachas le OECD a lorg i dtaca le caighdeáin arda idirnáisiúnta dea-rialachais i réimse an chánachais agus critéir liostaithe;
15. IARRANN SÍ ar an Meitheal leanúint d'fhaireachán a dhéanamh ar chomhlíonadh na ndlíní dá gcuid gealltanais agus de chritéir liostaithe 3.2 de chuid an Aontais i gcomhréir leis na spriocdhátaí a comhaontaíodh;
16. IARRANN SÍ ar an Meitheal an plé a atosú, i dtaca le tuilleadh beart cosanta comhordaithe, i réimse na cánach i gcoinne dlíní neamhchomhoibríocha, gan dochar d'oibleagáidí na mBallstát faoi dhlí an Aontais agus faoin dlí idirnáisiúnta;
17. IARRANN SÍ ar an Meitheal tuarascáil ar a cuid oibre a thabhairt don Chomhairle le linn Uachtaránacht na Fionlainne.